

ODREDIMO SEBI CILJEVE U ŽIVOTU ILI ĆE NAM IH DRUGI ODREDITI

الحمد لله رب العالمين. نستعينه و نستغفره، و نسأله الكرامة فيما بعد الموت لنا و لجميع المؤمنين. و نعوذ بالله من شرور أنفسنا و من سيئات أعمالنا . من يهده الله فلا مضلّ له و من يضلل فلا هادي له. و أشهد أن لا إله إلا الله وحده لا شريك له. و أشهد أن محمدا عبده و رسوله . أرسله بالحق بشيرا و نذيرا و سراجا منيرا لينذر من كان حيا و يحقّ القول على الكافرين . صلى الله تعالى عليه و على آله الطيبين الطاهرين و أصحابه الكرام الهداة المهتدين و سلم تسليما كثيرا . نسأل الله ربنا أن يجعلنا ممن يطيعه و يطيع رسوله و يتبع رضوانه و يجتنب سخطه . اللهم لا تجعلنا بدعائك أشقياء و كن بنا رؤوفا رحيمًا، يا خير المسؤولين و يا خير المعطين.

قال الله تعالى في كتابه الكريم : أَفَحَسِبْتُمْ أَنَّمَا خَلَقْنَاكُمْ عَبَثًا وَأَنَّكُمْ إِلَيْنَا لَا تُرْجَعُونَ

عَنْ أَبِي هُرَيْرَةَ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ : الْمُؤْمِنُ الْقَوِيُّ خَيْرٌ وَأَحَبُّ إِلَى اللَّهِ مِنَ الْمُؤْمِنِ الضَّعِيفِ وَفِي كُلِّ خَيْرٍ آخِرٌ عَلَى مَا يَنْفَعُكَ وَاسْتَعِينِ بِاللَّهِ وَلَا تَعْجِزْ وَإِنْ أَصَابَكَ شَيْءٌ فَلَا تَقُلْ لَوْ أَنِّي فَعَلْتُ كَذَا وَكَذَا وَلَكِنْ قُلْ قَدَرُ اللَّهِ وَمَا شَاءَ فَعَلَ فَإِنَّ لَوْ تَفْتَحُ عَمَلَ الشَّيْطَانِ (رواه مسلم)

Hvala neka je Uzvišenom Allahu, Koji nam je vjeru usavršio, a blagodat Svoju prema nama upotpunio i neka je salavat i selam na Muhammeda, s.a.v.s., koji je rekao da se djela cijene prema namjerama, ali i po svojim završecima. Neka je salavat i selam i na njegovu časnu porodicu, ashabe i sve njegove sljedbenike!

Cijenjeni profesori, poštovane kolege i dragi studenti!

Za mnoge od nas karakteristično je, a što je izgleda i osobenost Bošnjaka općenito, da kada kažemo da imamo samo jednu želju da to podrazumijeva da nam se sve želje ispune, jer se ne možemo odlučiti za jednu te tako naše potencijale rasipamo na mnoge strane. Puno toga započinjemo, a malo završavamo.

Ušli smo u novu 2016. godinu, većina prepuštena svakodnevnici, bez jasnog cilja šta želimo u narednom periodu postići, a samim tim i bez ikakve strategije kako to ostvariti. Prepuštamo se sudbini kako je mi razumijevamo, i kako je to govorio Meša Selimović: "nikud ne žurimo, jer sam život žuri; ne zanima nas da vidimo šta je iza sutrašnjeg dana, doći će što je određeno..."

Da ovo stanje duha i ukupnog ljudskog usmjerenja, ipak, nije karakteristično samo za nas pokazuju ispitivanja koja su provedena na više hiljada mladih ljudi i koja su pokazala da samo 3% njih planira svoj život. Ostali vode život besciljno, od danas do sutra.

Međutim, vjernik zna da nije bačen na ovaj svijet i da nije zaboravljen. On zna da ga je Allah, dž.š., stvorio i da ima cilj i svrhu postojanja. Zbog toga se ne može neodgovorno odnositi prema životu koji mu je darovan.

On je svjestan da će se vratiti svome Gospodaru kada će vrlo detaljno odgovarati da li je ispunio svoju životnu misiju ili ne.

Zar ste mislili da smo vas uzalud stvorili i da Nam se nećete povratiti?"¹

Ljudski život je Božiji dar koji se samo jednom dobiva. I bez obzira da li smo svjesni toga i kako ozbiljno to prihvatamo nikada nećemo dobiti novu šansu da ga živimo.

Stoga je ključni detalj uspješnog života na ovom svijetu biti toga svjestan i jasno odrediti svoj cilj. Šta želimo biti i kako to ostvariti!

Trebamo što objektivnije promišljati o svojim afinitetima, potencijalima, konsultirati se s iskusnijima i obrazovanijima i konstantno moliti Allaha, dž.š., da nas usmjeri na cilj koji je najbolji za nas.

Ali cilj ne smijemo ni usko postaviti i nastojati ostvariti samo naše želje i htijenja, nego posmatrati sebe dijelom kolektiva, džemata, zajednice. Čime je najbolje da se bavim kako bih bio najkorisniji sebi, porodici, džematu, zajednici i to, naravno, nikada samo u materijalnom smislu.

Beznačajne stvari nas ne smiju odvratiti od postizanja cilja. Trebamo se učiti gledati ne samo u ono što se pokazuje, nego i u ono što se krije iza toga. Takve osobe imaju viziju, sposobnost da vide dalje od konkretnih dešavanja i okolnosti. Cilj i plan kako ga postići ne mogu biti valjani ako se radi bez ozbiljne posvećenosti i vizije.

Allah, dž.š., hvali one koji posjeduju viziju, pa spominje Ibrahima, Ishaka i Jakuba, alejhimus-selam, hvaleći njihovu duhovnu snagu i dalekovidnost.

وَأَذْكُرْ عِبَادَنَا إِبْرَاهِيمَ وَإِسْحَاقَ وَيَعْقُوبَ أُولِي الْأَيْدِي وَالْأَبْصَارِ

I sjeti se robova Naših Ibrahima, Ishaka i Ja'kuba, sve u vjeri čvrstih i dalekovidnih.²

Razvijajmo potom goruću želju za onim što želimo postići kako bismo još više ojačali viziju postavljenog cilja. Ne zaboravimo, ogromna je razlika između želje da nešto postignemo i odluke da ćemo to neizostavno i ostvariti.

A kada jasno odredimo cilj nastojati što detaljnije isplanirati kako cilj ostvariti i biti svjestan da odluke koje donosimo na tom putu imaju svoju težinu. Odluke koje donosimo usmjeravaju život kojeg živimo!

Kada krenemo ka ostvarenju cilja otkrit ćemo da nam mnogi otežavaju, ali i da nam pomoć stiže iz mnogih neočekivanih izvora. Otuda, ne zaboravimo da se u dovama koje svakodnevno činimo svjesno zahvalimo Allahu, dž.š., na blagodatima koje već uživamo i mogućnostima koje nam je podario.

Neophodno je da budemo spremni da se zahvalimo za Božiju i ljudsku pomoć koju dobijamo. Nemojmo zaboraviti da se zahvaljujemo najbližima – roditeljima, braći i sestrama, prijateljima koje vidamo svakodnevno, a koje možda zapostavljamo. Vjerovatno im dugujemo više nego što smo toga svjesni!

S druge strane, odabrati cilj u životu kojem nismo dorasli, ili kojeg svojim potencijalima prevazilazimo ili cilj kojeg ne volimo i ne osjećamo svojim znači neodgovorno se ponašati prema životu i upropaštavati vrijeme i potencijal koji su nam darovani.

¹ El-Mu'minun, 115.

² Sad, 45.

Životno je pravilo "da nam je svaka stanica pogrešna, ako sjednemo u pogrešan voz!" Čak i ako uspijemo u ostvarivanju ciljeva koji nisu naši, koji ne izvire iz naših suštinskih želja, nećemo biti ispunjeni, nego ćemo osjećati prazninu.

Ali, ako putujemo ka svom suštinskom cilju, osjećat ćemo zadovoljstvo i radost na svakom osvojenom koraku do cilja. Bit ćemo spremni na odricanja, napore i žrtve, jer čovjek se žrtvuje za ono što mu je poznato i što voli. Nema žrtve bez ljubavi.

Šta bi onda trebao biti naš životni cilj?

Musliman je svjestan svoje zadaće da sobom ispunjava prostor i vrijeme koji su mu dodijeljeni, da ih oplemenjuje, proizvodi vrijednost i dobro i oslobađa ono najljepše što nosi u sebi, a čime ga je Gospodar njegov obdario.

On se ne povlači iz životne stvarnosti, jer zna da ako on tu stvarnost ne bude uređivao prema zahtjevima Božije Riječi, uređivat će je drugi, koji nemaju dovoljno znanja i morala te neće biti blagoslovljena od Boga i imat će vrlo ružne posljedice po čovjeka.

Ashabi su bili svjesni svoje uloge u zajednici i društvu i nisu su se štedjeli u izvršavanju onoga što je Poslanik, s.a.v.s., od njih tražio. Štaviše, uvijek su željeli činiti više nego što je to od njih traženo. Brojni su primjeri takvog zalaganja. Između ostalih, mladih ashaba kojima je nedostajalo godina, ali ne i hrabrosti da se suoče s jačim neprijateljima.

Od 40 ashaba Muhammeda, s.a.v.s., koliko ih je bilo do kraja četvrte godine pozivanja u islam samo su dvojica imali preko 40 godina. Od tih 40 mladića petnaest ih je postalo šehidima. Žrtvovali su svoj život za ideju za koju su se borili.

Danas, kada muslimanski svijet, doživljava tektonske poremećaje, kada je napadnut izvana, a rastaće se iznutra, što se u nešto drukčijoj formi osjeti i u bosanskohercegovačkom društvu, kao nikada prije potrebni su mladići i djevojke koji su svjesni svoje odgovornosti, koji su duhovno, moralno i intelektualno zreli i koji su spremni posvetiti se odgoju i obrazovanju muslimana i izgradnji zdravog društva.

Već dugo vremena se iščekuje generacija koja će zanemariti svoje osobne interese posvećujući se interesima drugih muslimana.

Međutim, puko nadanje da će buduće generacije biti bolje, da će moći donijeti prosperitet i napredak društvu, a da sami ništa ne radimo da izgradimo te nove generacije jeste krajnje naivno i utopističko.

Kao što smo mi rezultat promišljanja, planiranja i djelovanja naših djedova i nana na isti način će naši unuci biti produkt onoga što mi danas osmišljavamo, planiramo i radimo.

Na kraju, još jednom želim naglasiti, da ako mi ne planiramo našu budućnost, neko drugi će nam je isplanirati. Štaviše, drugi je već planiraju za nas. Na nama je da odlučimo želimo li živjeti naše snove, ili biti dio tuđih snova i planova, za koje uopće ne znamo kuda vode!

Ljudi se uglavnom dijele na dvije vrste: velike ljude koji imaju ciljeve i ideale za koje se žrtvuju i male ljude koji imaju prohtjeve i nagone kojima se prepuštaju!

Da nas Allah, dž.š., usmjeri i pomogne na putu koji vodi napretku i prosperitetu!

ألا إن أحسن الكلام و أبلغ النظام كلام الله الملك العزيز العلام كما قال الله تبارك و تعالى في نظم الكلام :
وَإِذَا قُرِئَ الْقُرْآنُ فَاسْتَمِعُوا لَهُ وَأَنْصِتُوا لَعَلَّكُمْ تُرْحَمُونَ .

أعوذ بالله من الشيطان الرجيم بسم الله الرحمن الرحيم :
وَقُلْ جَاءَ الْحَقُّ وَزَهَقَ الْبَاطِلُ إِنَّ الْبَاطِلَ كَانَ زَهُوقًا.

بارك الله لنا و لكم و لسائر المؤمنين و المؤمنات و المسلمين و المسلمات الأحياء منهم و الأموات برحمتك يا أرحم
الراحمين.

الحمد لله، الحمد لله، الحمد لله حمد الكاملين و الصلاة و السلام على سيدنا و نبيتنا محمد و على آله و صحبه أجمعين،
تعظيما لنبينه و تكريما لفخامة شأن شرف صفيه فقال عز و جلّ من قائل مخبرا و أمرا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا.

اللهم صلّ على محمد و على آل محمد كما صلّيت على إبراهيم و على آل إبراهيم إنك حميد مجيد

اللهم بارك على محمد و على آل محمد كما باركت على إبراهيم و على آل إبراهيم إنك حميد مجيد

أعوذ بالله من الشيطان الرجيم بسم الله الرحمن الرحيم

الحمد لله رب العالمين و الصلاة و السلام على خير خلقه محمد و على آله و صحبه أجمعين. اللهم اغفر للمؤمنين و
المؤمنات و المسلمين و المسلمات الأحياء منهم و الأموات إنك سميع قريب مجيب الدعوات يا أرحم الراحمين . اللهم أصلح
أحوالنا و أحسن أعمالنا و بلغنا مما يرضيك آمالنا و ولّ أمورنا خيارنا و لا تولّ أمورنا شرارنا و لا تؤاخذنا بما فعل
السّفهاء متا و كن لنا و لا تكن علينا و اجعل هذا البلد آمنا ، مطمئنا ، رخيئا ، سخيئا ، محروسا ، محفوظا بحفظك و
أمانك و سائر بلاد المسلمين و القرى . اللهم انصر من نصر الدين و اخذل من خذل المسلمين و اكتب السلامة و
الصّحة و العفو و العافية علينا و على الحجاج و الغزاة و المسافرين و الحاضرين و الغائبين في برّك و بحرك من أمة محمد
عليهم أجمعين . و سلام على المرسلين و الحمد لله رب العالمين .

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ

Fakultet islamskih nauka u Sarajevu,

8. 1. 2016. god.

28. 3. 1437. h. g.

Hatib: Zuhdija Hasanović